

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffiannut aallartitat siulittaasuut aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 3/2013-imik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

**Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalackersuisunut kaammattuutigaa nunani avannarlerni killerni innuttaasut akornanni arnat ikiliartornerannik ajornartorsiut pillugu nassuiaasioqqullugit. Sammisaaq tamanna pillugu ilisimatuutut allaatigisani, ilisimatusarnermi isumaliutissiissutini misissuinernilu inerniliinerit nassuiaammi eqiterneqassapput aammalu arnat Nunani Avannarli Killerni pitsaanagerusumik atugaqalernissaannut peqataaqataasinnaasunut suliniutinut siunnersuutiniq imaqaassalluni.**

#### **Tunngavilersuut:**

Arnat illoqarfiit avataatungaanni najugaqalersinniarneqarnerat najugaqaannartinniarneqarnerallu ajornartorsiutaasut ilisimaneqarluarpoq. Savalimmiuni innuttaasut ikiliartornerat nunap unammilligassaasa annersaasa ilagaat aammalu pingaartumik nunami arnat ikinnerujussuat ajornartorsiutaalluni ilungersunartoq. Tamanna aamma Kalaallit Nunaanni unammilligassaavoq, taamaattorli Islandimisulli annertutiginnigsumik.

Atortussat amerlassuut pissutsinik tamakkuninnga itilisiissutaasut Norgimi, Danmarkimi Nunanilu Avannarlerni Killerni suliarineqarput. Nordregio, Nora aammalu Folketingimi Atlantikup avannaani Suleqatigiit assersuutigalugu nassuiaatinik taamaattunik arlalinnik saqqummiussaqaqarput. Taakkunani inuiaqatigiinni equngassutsimi tamatumani ilaatigut inuiaqatigiit ineriartornerannut, inuiaqatigiinnermut, inooqataanermut kultureqarnermullu tunngasut sammineqarput. Atortussanili taakkunani tamani inerniliussat ilisimasallu pisortanut erseqqissumik saqqummiunneqanngillat.

Aalajangiisartut, minnerunngitsumik politikerit ilisimasanik taamaattunik pissarsisinnaanissaat pingaaruteqarluinnarpoq. Politikimik ingerlataqartut ajornartorsiut ikiorserniarlugu eqqortunik atorsinnaalluartunillu suliniuteqarsinnaassappata pitsaasumik ilisimasaqarnissaq pisariaqarpoq. Ilisimasat tamakku pigineqarput, naammattumilli katersorneqarnatillu iliuuseqarsinnaasunit pissarsiarineqarsinnaanngillat.

Taamaattumik immikkut ittumik ilisimasaqarluni ataatsimiititaliamik nunani avannarlerni killerni pilersitsinissaq naalackersuisut suleqatigiissutigissagaat siunnersuutigineqarpoq, taanna assersuutigalugu nunanit avannarlernit killernit pingasunit tamanit inuiaqatigiit pillugit ilisimatusartunik inuttalerneqarsinnaalluni. Ataatsimiititaliaq taanna nassuiaasiornernik suliakkerneqassaaq, tamatumani ajornartorsiut tamanna pillugu atortussanik pissarsiarineqarsinnaasunik (ilisimatusarnermit isumaliutissiissutiniq, misissuinernik aammalu

ilisimatuutut allaaserisanik) katersuisoqassalluni takussutissiortoqassallunilu kiisalu tamanna aallaavigalugu inerniliisoqassalluni.

Suliami tamatumani pingaarnertut anguniagaq tassaassaaq ataqtigiittumik nassuiaasioorneq, taamaalillunilu ilisitusarnermik nutaamik sananissaq pineqanngilaq. Arnat illoqarfiit avataatungaannit sooq nuuttarnersut ingerlalluarnertu ajortut pillugu nalunaarusiani assigiinngitsuni uteqattaarneqartuni inerniliussat nassuiaammi inernilerneqassapput ingammillu pingaarnertut sammeneqassallutik. Minnerunngitsumik ineriartorneq allamut saatinniarlugu suliniutit soorliit ingerlanneqassanersut pillugu kaammattuutit katiterneqassapput. Nassuiaat ima allanneqassaaq naalackersuinikkut ingerlaasiliornermi atorneqarsinnaassalluni. Nunat sumiiffiilluunniit allat arnat amerlanerusut uternerannik nunasinerannillu kinguneqartumik suliniutinit assigiinngitsunit qanoq misilittagaqalersimarnersut tassani tikkuarneqarnissaa salliutinneqassaaq.